

आकाशवाणी

1. प्रधानमंत्री नरेंद्र मोदी होरें कोलकाता च 500 करोड़ रुपे ते गेआ च 13 ज्हार करोड़ रुपे दी लागत आहली कई परियोजनाएं दा नीह पत्थर रक्खेआ ते उद्घाटन कीता।
2. प्रधानमंत्री नरेंद्र मोदी होरें आखेआ जे आपरेशन सिंदूर नै भारत दी रक्षा नीति च नमीं लकीर खिच्ची ऐ।
3. रक्षा मंत्री राजनाथ सिंह होरें आखेआ जे भारत घरेलू इंजन कन्नै 5मीं पीढी दे लड़ाकू जहाज बनाने गै आहला ऐ।
4. सुप्रीम कोर्ट नै चुनांस आयोग गी निर्देश दित्ता ऐ जे ओहू उनें वोटरे दे दावे सरबन्धी फार्मे गी आनलाइन स्वीकार करै जिंदे नां गैब न ते आपूं आई दस्तावेज जमा कराने पर जोर नेई देयै।
5. सुप्रीम कोर्ट नै दिल्ली एनसीआर च आवारा कुत्तें गी फगड़नेते पुनर्वास ते पैहलें निर्देशें गी संशोधित कीता ऐ।
6. सरकार नै देश च सेमीकंडक्टर डिजाइन क्षमताएं गी बढ़ावा देने आस्तै डिजाइन लिंकड इन्सेंटिव स्कीम दे तहत 23 चिप डिजाइन परियोजनाएं गी मंजूरी दित्ती ऐ।

<><><><><><>

PM-Projects

प्रधानमंत्री नरेंद्र मोदी होरें अज्ज बिहार दे गया च 13 ज्हार करोड़ रुपे दी लागत दी कई विकास परियोजनाएं दा उद्घाटन कीता ते नी पत्थर रक्खेआ। एहू परियोजनां बिजली, सेहत, शैहरी विकास ते पानी सप्लाई सने कई सैक्टरें कन्नै जुड़ी दियां न। श्री मोदी होरें दिल्ली ते गया दे बश्कार अमृत भारत एक्सप्रेस रेल ते वैशाली ते कोडरमा बश्कार बुद्धिस्ट सर्किट रेल गी झंडी दस्सी उद्घाटन कीता जेदे कन्नै

इस क्षेत्र दी बुद्धिस्ट थाहरें च सैलसफा ते धार्मिक जात्तरा गी बढावा मिलोग। प्रधानमंत्री होरें सांकेतिक तौर पर प्रधानमंत्री आवास ग्रामीण दे 12 ज्हार लाहकारियें गी गृह प्रवेश समारोह दे तैहत चाबियां सौंपियां। प्रधानमंत्री ग्रामीण आवास योजना शैहरी दे तैहत 4 ज्हार थमां बी मते लाहकारियें गी चाबियां सौंपियां गेइयां। बौद्धगेआ दे मगध युनिवर्सिटी दे मैदान च सभा गी संबोधित करदे होई श्री मोदी होरें आखेआ जे बिहार दा तेजिया कन्नै विकास केंद्र दी एनडीए सरकार दी मुख प्राथमिकता ऐ। प्रधानमंत्री नरेंद्र मोदी होरें आरोप लाया जे आरजेडी ते कांग्रेस वोटे आस्तै घुसपैठियें दा समर्थन करा रदी ऐ। प्रधानमंत्री होरें आखेआ जे आपरेशन सिंदूर नै भारत दी रक्षा नीति च इक नमी लकीर खिच्ची ऐ। श्री मोदी होरें जम्मू-कश्मीर दे पहलगाम आतंकी हमले दा जिक्र करदे होई आखेआ जे आतंकवादियें गी उंदी कल्पना थमां बी अगगे दी सजा मिलोग। प्रधानमंत्री होरें पच्छिम बंगाल दे कोलकाता च 5200 करोड़ रपे दी लागत दी कई परियोजनाएं दा उद्घाटन कीता ते नीह पत्थर रक्खेआ।

<><><><><><>

DM

रक्षा मंत्री राजनाथ सिंह होरें आखेआ ऐ जे भारत नवाचार ते प्रौद्योगिक विकास गी बढावा देइयै घरेलू कंपनियें आस्तै उपयुक्त विकास वातावरण बनाइयै इक मजबूत रक्षा वातावरण दा निर्माण करारदा ऐ। उनें आखेआ जे भारत 5मीं पीढ़ी दे लड़ाकू जहाज बनाने ते जहाजें दे इंजन बनाने दी दिशा च अगगे बधा करदा ऐ। उनें आखेआ जे फ्रांसिसि कंपनी सफ्रान कन्नै मिलियै देश च इंजन निर्माण शुरू होने जा करदा ऐ। अज्ज नमीं दिल्ली च इस कार्यक्रम च बोलदे होई रक्षा मंत्री होरें आखेआ जे सरकार नै HAL गी 66 ज्हार करोड़ रपे लागत कन्ने 97 तेजस लड़ाकू जहाज बनाने दे इक नमें आर्डर गी मंजूरी दिक्ती ऐ।

<><><><><><>

SC-ECI-SIR

सुप्रीम कोर्ट नै अज्ज चुनां आयोग गी निर्देश दित्ता ऐ जे ओहू उनें वोटरे दे दावे सरबन्धी फार्मे गी आनलाइन स्वीकार करै जिंदे नां गायब न ते आपूं आइयै दस्तावेज जमां कराने पर जोर नेई देयै। बैच नै साफ कीता ऐ जे दावा पत्रें गी चुनां आयोग आसेआ मूल रूप च सूचीबद्ध 11 दस्तावेजें चा कोई इक जां आधार कार्ड दे कन्नै जमा कीता जाई सकदा ऐ। न्यायमूर्ति सूर्यकांत ते न्यायमूर्ति जायमाला बगाची हुंदे बैच नै एहू आदेश बिहार च एस.आई.आर दा निर्देश देने दे चुनां आयोग दे 26 जून गी जारी हुक्म गी चनौती देने आहली याचिकाएं दी सुनवाई करदे होई दित्ता।

<><><><><><>

SC-Stray Dogs

सुप्रीम कोर्ट नै अज्ज दिल्ली-एनसीआर क्षेत्र च आवारा कुत्तें गी फगड़ने ते कुत्ते रखने आस्तै चेचियें थाहरें पर भेजन कन्नै जुड़े दे अपने पैहले आहले निर्देशें च तरमीम कीती ऐ। न्यायमूर्ति विक्रम नाथ, न्यायमूर्ति संदीप मेहता ते न्यायमूर्ति एन.वी मंजारिया हुंदे बैच नै निर्देश दित्ता ऐ जे आवारा कुत्तें दी नसबंदी ते टीकाकरण दे बाद उंदे इलाकें च छोड़ी दित्ता जाना चाहिदा। रेबीज कन्नै संक्रमित जां आक्रामक स्वाभ आहलें कुत्तें गी नेई छोड़ेआ जाग। न्यायमूर्ति नाथ हुंदी अध्यक्षता आहले बैच नै आवारा कुत्तें दे रखने आस्ते चेचियां थाहरां बनाने ते सार्वजनिक तौर पर खान-पान गी रोकने पर बी जोर दित्ता।

<><><><><><>

DM Defence Eco System

रक्षा मंत्री राजनाथ सिंह होरें आखेआ ऐ जे भारत संयुक्त राष्ट्र शांति अभियान च महिलाएं दी भागीदारी दी प्रबल समर्थक रेआ ऐ। श्री सिंह होर अज्ज नमीं दिल्ली च संयुक्त राष्ट्र दी महिला अफसरें कन्नै गल्ल्बात दरान बोला करदे हे। उनें आखेआ जे सरकार हथियारबंद बलें ते शांति सेना टुकड़ियें च महिलाएं दी भागीदारी गी प्रोत्साहित करने आस्तै नीति गी मजबूत करा करदी ऐ।

<><><><><><>

Prez. Shukla

ग्रुप कैप्टन शुभांशु शुक्ला होरें अज्ज राश्ट्रपति भवन च राश्ट्रपति द्रौपदी मुर्मू हुंदे कन्नै मलाटी कीती।
ग्रुप कैप्टन शुक्ला होरें राश्ट्रपति हुंदे कन्नै अंतरिक्ष च अपने अनुभव सांझे कीते। इस मौके पर ग्रुप
कैप्टन प्रशांत बाल कृष्णन नायर ते ग्रुप कैप्टन पुण्यक्षोक बिस्वाल, इसरो दे अध्यक्ष ते सचिव बी
मौजूद हे। अंतरिक्ष विभाग दे सचिव डॉ. बी नारायाण ते मानव अंतरिक्ष उडान केंद्र दे निदेशक दिनेश
कुमार सिंह होर बी इस मौके पर मौजूद हे।

<><><><><><>

Amit-Shah

कोच्चि च केंद्री मंत्री अमित शाह होरें आखेआ ऐ जे केरल च औंदे स्थानीय निकाएं दे चुनाएं च बीजेपी
25 प्रतिशत सीटां हासल करोग। उनें अगले बरे होने आहली विधानसभा चुनाएं च बी पार्टी दे प्रदर्शन
पर भरोसा जताया। केंद्री मंत्री होर मलयाला मनोरमा अखबार आसेआ आयोजित विकास शिखर
सम्मेलन दे उद्घाटन मौके बोला करदे हे।

<><><><><><>

NDA-MPs VP Nomination

एनडीए सांसदें अज्ज नमीं दिल्ली च उपराश्ट्रपति पद दे मेदवार सी.पी राधा कृष्णन हुंदे कन्नै मलाटी
कीती ते उंदा सोआगत कीता। केंद्री मंत्री प्रहलाज जोशी, मनोहर लाल, अर्जुन राम मेघवाल, हर्ष
मल्होत्रा ते दिल्ली-हरियाणा ते राजस्थान दे सांसदें उपराश्ट्रपति चुनाएं थमां पैहले राधाकृष्णन होरें
गी शुभकामनां दित्तियां। उपराश्ट्रपति चुनां अगले म्हीने दी 9 तरीक गी होग। नामांकन पत्रें दी जांच
अज्ज होग।

<><><><><><>

Chinese-Ambassador

भारत च चीन दे राजदूत फाईहांग होरें आखेआ ऐ जे पिछले बरे कजान च दौनें मुलखें दे लीडरें मझाटै होई दी मीटिंग मगरा भारत-चीन सरबन्ध बेहतर होए न। अज्ज नमीं दिल्ली च एससीओ शिखर वार्ता 2025 गी संबोधित करदे होई री फाईहांग होरें आखेआ जे दौनें मुलखें बश्कार बक्ख-बक्ख खेत्तरें च लैन-देन ते सहयोग परतियै बहाल होई गेआ ऐ। उनें मेद दस्सी जे प्रधानमंत्री मोदी हुंदी एससीओ शिखर वार्ता च आमद भारत-चीन दक्खया सरबन्धें गी तगड़ा करने च मदाद करोग।

<><><><><><>

ISRO

भारत दे पैहले मानव युक्त अंतरिक्ष मिशन गगनयान दी पैहली परीक्षण उड़ान इस बरै दिसम्बर च होग। देसै च पिछले 10एं बरें च अंतरिक्ष आहले खेत्तर च बेमिसाल ते दस्सने जोग प्रगति होई ऐ। भारती अंतरिक्ष अनुसंधान संगठन इसरो दे अध्यक्ष वी. नारायणन होरें कल नमीं दिल्ली च संवाददाता सम्मेलन च एहू गल्ल आक्खी। उनें आखेआ जे 2015 बरे थमां 2025 बश्कार पूरे कीते गेदे मिशन 2005 थमां 2015 बश्कार पूरे होए दे मिशनें थमां तकरीबन दूने न। उनें आखेआ जे एक्सियोम-4 मिशन प्रतिष्ठित मिशन ऐ कीजे शुभांशु शुक्ला अंतरराष्ट्रीय अंतरिक्ष स्टेशन जाइयै सुरक्षित परतोने आहले पैहले भारती बने। उनें आखेआ जे अंतरिक्ष उद्योग च 300 स्टार्टअप कीते गे न जिसलै के 10 बरे पैहलें इंदी गिनतरी छड़ी 1 ही। इस मौके पर ब्हाई सेना दे ग्रुप कैप्टन ते अंतरिक्ष यात्री शुभांशु शुक्ला होरें एक्सियोम मिशन गी मुमकन बनाने लेई केंद्र सरकार ते इसरो दी टीम गी धन्नवाद कीता। उनें आखेआ जे इस मिशन थमां हासल जानकारी भारत दे औंदे गगनयान मिशन ते भारत अंतरिक्ष स्टेशन स्थापित करने लेई बड़ी कारी दी सिद्द होग। ग्रुप कैप्टन शुक्ला होरें स्वदेशी मानव अंतरिक्ष मिशन दे सुखने गी सच्च करने च देसै दी समर्थ पर पूरा भरोसा दस्सेआ। विज्ञान प्रौद्योगिकी मंत्री जितेंद्र सिंह ते गगनयान मिशन पर जाने आहले सदस्यें च शामिल ग्रुप कैप्टन प्रशांत बालाकृष्णन होरें बी प्रेस वार्ता गी संबोधित कीता।

<><><><><><>

Govt. Clip Design

सरकार नै देश च सेमीकंडक्टर डिजाइन परियोजनाएं गी बढ़ावा देने आस्ते डिजाइन लिंकड इंसेंटिव स्कीम दे तैहत 23 चिप डिजाइन परियोजनाएं गी मंजूरी दिती ऐ। इनें परियोजनाएं गी निगरानी कैमरे, उर्जा मीटर, माइक्रोप्रोसेसर आईपी ते नेटबैंकिंग एप्लीकेशन्स जनेह खेत्तरे च स्वदेशी चिपें ते सिस्टम आन चिप समाधान विकसित करने आस्तै मदाद मिला दी ऐ।

<><><><><><>

Employees Dismissed

उपराज्यपाल मनोज सिन्हा होरें जम्मू-कश्मीर च 2 सरकारी कर्मचारियें गी आतंकवादी गतिविधियें च कथित तौरा पर शामिल होने करी उनेंगी नौकरी थमां बर्खास्त करी दिता ऐ। अधिकारिएं जानकारी दिती ऐ जे एहू फैसला संविधान दी दफा 311 तैहत लैता गेआ ऐ। कर्मचारियें दी पंछान भिड्डु पालन मैहकमे च सहायक स्टॉकमैन सियद अहमद खान ते इक स्कूली अध्यापक खुर्शीद अहमद दे तौरा पर कीती गेई ऐ। एहू दवें कुपवाड़ा जिले दे रौहने आहले न। अधिकारियें अगगे दस्सेआ ऐ जे उपलब्ध जानकारी दे आधार पर ते मामलें दे तथ्यें पर विचार करने मगरा एहू फैसला लैता गेआ जे उनेंगी सेवां थमां बर्खास्त कीता जाना लोड़चदा।

<><><><><><>

JK-Highways

केंद्री शिड़क यातायात ते राजमार्ग मंत्रालय नै जानकारी सांझी कीती ऐ जे जम्मू-कश्मीर च पिछले 4 बरें दरान हाइवे दे निर्माण, दर्जा बधाने आहली परियोजनाएं च खरा मता विकास होआ ऐ। आकाशवाणी समाचार दे जम्मू संवाददाता दी रिपोर्ट मूजब केंद्री मंत्री नितिन गडकरी होरें आखेआ जे जम्मू-कश्मीर च शिड़कें सरबन्धी बुनियादी ढांचे च खरा मता ते लगातार निवेश दिक्खने गी लब्बा ऐ। उनें आखेआ जे जम्मू-कश्मीर च 2021-2022 ते 2024-25 बरें च हाइवे दे विकास ते दर्जा बधाने

सरबंधी 43 प्रोजेक्टें गी मंजूरी दिक्ती गेई ऐ जेदे तैहत 27 ज्हार 800 करोड़ रपे दी लागत कन्नै तकरीबन 653 किलोमीटर शिड़कें गी इनें प्रोजेक्टें हेठ आहन्नेआ गेआ ऐ। गडकरी होरें अगगे आखेआ जे पी.एम गतिशक्ति मास्टर प्लान कन्नै तालमेल इनें प्राथमिकता आहले कम्में गी तोड़ चाढ़ने च कारी दा साबत होआ'रदा ऐ।

<><><><><><>

ED-Raids

प्रवर्तन निदेशालय नै अज्ज जम्मू च बक्ख-बक्ख थाहरें छापे मारे जिंदे च केई माल मैहकमें दे अफसर ते केई दुए शामिल हे, जिंदे पर करोड़ें दे ज़िमीं घोटालें च शामिल होने दा आरोप ऐ। आकाशवाणी जम्मू दे संवाददाता हुंदी रिपोर्ट मूजब केंद्री एजेंसी दी टीम नै स्थानीय पोलीस ते सी.आर.पी.एफ दी मदाद कन्नै इस घोटाले कन्नै सरबन्धत अफसरें दिएं कोठिएं ते दफ्तरें पर छापा मारियै गैर कनूनी ज़िमीं दी खरीद-फरोख्त आहले दस्तावेज ते डिजिटल रिकार्ड जब्त कीते। प्रवर्तन निदेशालय दी एह कार्रवाई जांच एजेंसिएं आसेआ इस घोटाले च पैसे दे गैर कनूनी ढंगै नै लैन-देन आहली जानकारी सांझी करने मगरा कीती गेई। ऐ। तोआई, औदनकर विभाग दी इक टीमै उधमपुर दी हाउसिंग कालोनी च इक प्रॉपर्टी डीलरै दे घर छापा मारेआ कीजे ओहदे खलाफ टैक्स चोरी ते औदन थमां बद्द कमाई दे साधन होने दी रिपोर्ट ही।

<><><><><><>

Khelo India Winter Sports

श्रीनगर च आयोजित खेलो इंडिया वाटर स्पोर्ट्स उत्सव-2025 लेई अज्ज दुए रोज बी लोकें दा उत्साह बरोबर जारी ऐ। दुए ध्याड़े दियां प्रतियोगिता अज्ज बड़े उत्साह कन्नै शुरू होइयां। देसै दे बक्ख-बक्ख हिस्सें थमां आए दे खडारियें डल झील पर पानी आहले खेड्डें च अपना दमखम दस्सेआ। त्रै रोजा इस उत्सव दी शुरूआत कल होई ही जेदे च कश्मीर थमां 17 बरें दे शकारे आहले मोहसीन अली नै मर्दे दी

1000 मीटर Kayaking द्रौड च सुन्ने दा तगमा हासिल कीता। अज्जै दे मुकाबलें च ओडिशा थमां
सस्मिता साहू होरें महिलाएं दे Canoeing C-1, 200 मीटर च सुन्ने दा तगमा अपने नां कीता ऐ।

<><><><><><>